

PAPAKILO [Hawaiian Newspapers Collection](#) [Menu](#) ▾[Translate](#)
www.zebo.org[Ko Hawaii Pae Aina / 25 June 1881 / HE WELINA ALOHA I KUU MAMA UA HALA.](#)

Ko Hawaii Pae Aina, Volume IV, Number 26, 25 June 1881 — HE WELINA ALOHA I KUU MAMA UA HALA. [ARTICLE]

[Back](#)HE WELINA ALOHA I KUU MAMA
UA HALA.

E KO HAWAII PAE AINA E; Aloha oe:—

Ke noi aku nei au i ka lokomaikai o kou Kapena e hookipa aku i keia malihini ma kahi kaawalo o kou papaaina ke oluolu ia mai nae.

Ua make o Kauhanelole w, ma Puu-epa, Kohala Akau, a malaila no oia i hanauia ai. O ka nui o na la o kona ola ana ma keia honua, ua paha iaia ke 55 makabiki, 4 malama me 12 la, a hala aku la oia ma kela acao o keia honua. Aloha wale.

Ua waiho oia mahope nei, he kane a me na keiki, he mau kai Lunane, he mau moopuna a me na kini aloha o ka noho ana o ka aina. He wahine oluolu oia, he hookipa a he heahea i na malihini a me ka poe apau e kipa aku ana ma kona home. A no ka nui o ko makou aloha iaia, ua haku iho makou i wahi

KADIKAU nona,
 He uluku he hiaa aloha ia oo e Mama—e
 Kuu makuahine mai ka aina hanau nei a
 ka aina aea [ala
 Ua aea ka uhane ua hele kokoolua ole i ke
 I ke ala moali aloha a Kuia
 A kuu makuahine i imi aku la [kua
 Huli aku la oo i ka nui i ka lehulehu ma-
 Me ou mua kaikuana, iko wale
 Ua ike paha oo e ka Moae makani i kuu
 mama aloha
 Ae ua ike, oia owau, owau ke kamaaina
 Ke alakai ke kubikuhi puuone oia wahi
 Aia la i ka uluoa kupinai i ka pihe a ke
 Akua e uwe ana
 Ke uwe nei o Akakauhoeneluaikamaile
 Ikiiki naenae iho la i ke aloha ou o ka ma
 kua
 Hoomakua mai ana kou aloha i o'u nei
 Hooihaili mai ana i kuu manao e uwe
 aku
 Uwe aku wau o kuu makuahine
 Mai ka ia peahi makani i ka moana
 Kuu makuahine mai ka pohu laiku nana i
 ka bono o na moku [ua i lawe aku
 Na ka laua lana halakika iluna o ka ale ka-
 A kamaaina ai ka noho'na i ka Ua Kuka-
 lahale [ke kaona
 Kuu makuahine mai na alanui kikeekoe.
 Mai ka ai hua liliu o Kina he raiki
 Mai ka wai ula i ke kiaha puaniki
 Iniki wela i ke aloha ou e ka makua, e
 maluu mai
 Aloha wale kuu makuahine hoi.
 MISS D KAMAKAHOLOI.

He haupu he hulia aloha keia ia oe e Ma-
ma— e [kuluuamoe
Kuu makuahine mai ke, kai uwe hone i ke
Moe aku hoolono o ka makua i ka hea mai
Aueha oe e Kaiwaleleikalai
Ke oni a lele me he lupe 'la
Me he lupe 'la ke ao i ke kuahiwi
Hiki mai au ua hala ka Puulena
Ua hala kuu mekuahine aloha
Ua hele i kana huakai malii ole, mai
O oe ka uhane e walea aua e maalo ana i
ka luna o Mookini
E haliatia aloha mai ana kau mai ka maka
O ka maka aloha ia o kuu makuahine
E mapu nei ka leo i ka ulua a ka makani
Ua makani ke kino o kuu makuahine
Ua eena ua puahia launa kanaka ole mai
Kuu makuahine mai ke kai lumalumi o
Umiwai
Mai ka lae kiei makani o Kalalea
Mai ka ia kolo malie i ka wa o ka ala
Ka ia lewa i ka maka o ke dala
Hanu aku ke ola i ka ihu o ka lio
Kuu makuahine mai ka ua pili papohaku
o ka aina
Mai ka makani hele uluulu he Apaapaa
Inea ka huli ana i ke ola o ke kino
Auwe kuu makuahine hoi.
MISS D UMA HEHEHEKE .
He uwe he lihaliha i ke aloha o kuu wa-
hine [aina
Kuu wahine mai ka ua nounou ili o ka
Mai ka makani nahenabe aloha he Malanai
E imi aku ana i ke hoapili he wahine aole

iho nei: [nei
Kuu wahine mai ka ia lei malo o ua aina
Mai ka ai laweia mai e ka ihu o ka moku
Kuu wahine alo ua alo anu o ka hooilo
Mai na mahina helu o ka makahiki
Hiki mai nei kou aloha e uwe mau no au
E uwe aku ana no au ia oe i ko kuaa pili
ana
Ua piliia e kuaa na wahi a pau loa
Kuu wahine mai ka buikau a na lio i Kai-
opihi [lehu
He opihi ka ia lewa i ka maka o ka lehu-
He malolo hoi ka ia kiina i ka ihu o ka
waa
Wahi iho nei oe i ke aloha kaawale kuaa
Eia au ko kane makani Lauawa
Ke ao okupukupu ka oili a ka opua [nei
He pua mae ole kou aloha na'u e lei mau
E li'a mau nei i ka po a me ke ao
Ike i ke aloha kuhohonu ou o ka wahine
Ke aloha palena ole a'u e ike nei [ho ia
Kuu wahine pue anu o ua hale nei ke no-
Koekoe ko'u po ua hele oe
Auwe kuu wahine—aloha wale.
MR. KUAMOO WAHINEHELELOA,
He uwe aloha keia ia oe e Wali Ku-
uhaulole
Uwe i Mookini ka ua me ka makani
Ke loku la i ka luna e Kehoni
Wehe ka lau o ke pili huai i ka makani
Pakukui lua i ka piina o Hanakaha
E wawe aku ana i hala o Kapahukapu
I puki mai ka hana e poki aku ana
Iona aku ka maka i lio

Kuu aku na maka o Hawi Mill
 E ake aku ana e inu i ka wai o Pahoa
 Oia wai awili pu no me ke kai
 Akahi la u ko aloha i hiki mai ai
 Eia la ke hakukoi nei i kuu manawa
 Ke haawi nei i kana ukana o ka waimaka
 Aloha wale kuu kaikuahine hoi.

Kuu kaikuahine mai ka lei o Umiwai
 Mai ka pihe uwalua i ka moana he ia
 ko kai [ka hana
 Ke huikau ae la me na kini aloha he lau
 Launa ole ke aloha e koi ele nei i kuu
 manao
 Aloha kahi a kua e hele ai [Apaapaa
 E alo aku ai i ke anu a ka makani
 Aloha ke kula o Puuepa a me ka wai
 hui o Keawewai [hanau ai
 Aloha Kokoiki aina o Kamehameha i
 Aloha o Upolu i ka lae kaulana a me
 Pukakui i ka paio a ka ino
 Aloha Honoipu ke awa kuehu lepo a
 me Paliokamoa ke pili holu i ka
 makani
 Aloha wale kuu kaikuahine hoi.

B H KALEIHOPI.

He lalia aloha keia ia oe e Wali Ka-
 uhaelole
 O Paniku o ka ma'i o kuu kaikuahine
 O Holokawela paa i ka umauma
 O Uhipalou o kaili ke aho
 O ke aho o ka hanu o kuu kaikuahine
 Nawa aku la ka uhane i ke alanni lani

Aia paha oe na hui me ka lubi o kakou
 Me kuahiwilua Waiehu na ke ao
 Haa ke one lele o Waihee i ka makani
 I ke kuehu ia e ka Moae
 Nae ke kai o Kahakuloa [hine
 Loa ka imi ana i ke aloha o kuu kaikua-
 Kuu kaikuahine mai ka la kuhaoa o ua
 kula nei [nukahiko
 Mai ka wai puolo mai i ka lanki he
 Kaohi mai ana kou aloha e kuahine
 hoolaa ana ia'u [a kanaka ole
 Kuu kaikuahine mai ka wa lehulehu
 Mai ka wa nui makua a nele loa
 Hele oe ka makamaka ke kuamoo e ki-
 pa mai ai [aina nei
 Kuu kaikuahine mai na makalae o ua
 O kua ke kamaaina ke ewe o keia wahi
 Eia la oe ihea i nalo iho nei
 I hele kauoha ole ai i ka noho hale
 Eia au ko kaikunane ke ko ai a ka haole
 I laweia mai Kahiki mai
 Auwe kuu kaikuahine hoi.

MR. KAAIKO.

He u he aloha ia oe e Wali Kaubaelole
 He li'a aloha ko'u ia oe e ka wahine
 He wahine he makamaka no keia wahi
 He makua hooponopono no na kino o
 na'u
 Eia kua i ke kula kanaka ole
 Eia ua lubi la o ke ao nalu
 Me he lala hale 'la i kolia Maunalahili
 I ka holoa e ke abi a pau ka nabele

Hele mai nei kou aloha e ka wahine a
 kokoke ia'u [ole ia
 He wahine he hoa hoikeike no kahi ike
 He hoa hoomanawanui i ka makani ku-
 ehua lepo o Honolulu
 Kuu wahine mai ka wai ti a ka haole
 Mai ka hale lewa hoi a ke dala
 Auwe kuu wahine—aloha wale.

Kuu wahine o na ale kuaoloa o Aie-
 nuibaha [i ka ili o ke kai
 Mai ka huila kope kai o Lehua haehae
 Akahi au a ike i ka mea ino he aloha
 Aloha kahi a kua e hele ai [aina
 E pili aku ai i ka makani Apsapa o ka
 Aloha ko leo i ka pane ana mai
 E Papa e—e hoi kua
 Pela wale no ia e lohi apa nei
 E li'a mau nei i ka po a ao
 E au ae ana au i kahi e ike aku ai
 E launa aku ai me kuu aloha ua hala
 Auwe kuu wahine hoi.

MR. KAHE.

Puepa, Kohala Akau, Iune 6, 1881.

This article has been automatically clipped from the Ko Hawaii Pae Aina 25 June 1881, organised into a single column, then optimised for display on your computer screen. As a result, it may not look exactly as it did on the original page. The article can be seen in its original form in the [page view](#).